



О'zbekiston respublikasi vazirlar mahnamasining qarori

20 22 yil « 7 » iyun

№ 305

Toshkent sh.

Актуарий малака сертификатини бериш бўйича давлат хизматларини кўрсатишнинг маъмурий регламентини тасдиқлаш тўғрисида

Ўзбекистон Республикаси Президентининг “Давлат хизматлари кўрсатиш инфратузилмасини такомиллаштириш ва аҳолининг давлат хизматларидан фойдаланиш имкониятларини кенгайтириш чора-тадбирлари тўғрисида” 2021 йил 24 июлдаги ПФ-6269-сон Фармонига мувофиқ Вазирлар Махкамаси қарор қиласи:

1. Кўйидагиларни назарда тутувчи Актуарий малака сертификатини бериш бўйича давлат хизматларини кўрсатишнинг маъмурий регламенти (кейинги ўринларда – Регламент) 1-иловага мувофиқ тасдиқлансан:

даъвогарнинг малака сертификати олиш учун Давлат хизматлари марказлари ёки Ягона интерактив давлат хизматлари портали (кейинги ўринларда – ЯИДХП) орқали мурожаат қилиш тартиби;

актуарий малака сертификатини бериш ва қайта расмийлаштириш бўйича давлат хизматларини кўрсатиш;

актуарий малака сертификатини олиш учун даъвогарга қўйиладиган талаблар ва малака имтиҳонини ўтказиш тартиби;

малака имтиҳонидан муваффақиятли ўтган даъвогарларга актуарий малака сертификатини бериш, шунингдек, малака сертификатларининг реестрини юритиш тартиби;

актуарий малака сертификатини бекор қилиш асослари.

2. Ўзбекистон Республикаси Ахборот технологиялари ва коммуникацияларини ривожлантириш вазирлиги Молия вазирлиги ҳамда Адлия вазирлиги билан биргаликда бир ой муддатда:

ушбу қарор билан тасдиқланган Регламентга мувофиқ давлат хизматлари кўрсатиш ЯИДХП орқали жорий этилишини таъминласин;

ЯИДХПда давлат хизматлари кўрсатилишининг ҳар бир босқичида мурожаатлар кўриб чиқилишини кузатиб бориш тартибини жорий этсин.

3. Ўзбекистон Республикаси Адлия вазирлиги:

давлат органлари ва бошқа ташкилотлар томонидан давлат хизматлари кўрсатилишининг белгиланган тартибига риоя этилиши бўйича уларнинг фаолияти юзасидан, жумладан, ЯИДХП орқали доимий назорат ўрнатсан;

ушбу қарор билан тасдиқланган Регламент талаблари бузилган ҳолларда, давлат органлари ва бошқа ташкилотларнинг мансабдор шахсларига нисбатан белгиланган тартибда маъмурий жазо чораларини қўлласин.

4. Ўзбекистон Республикаси Ҳукуматининг 2-иловага мувофиқ айrim қарорлари ўз кучини йўқотган деб ҳисоблансин.

5. Ўзбекистон Республикаси Молия вазирлиги манфаатдор вазирликлар ва идоралар билан биргаликда ўзлари қабул қилган норматив-хуқуқий ҳужжатларни бир ой муддатда ушбу қарорга мувофиқлаштирусин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг молия-иқтисодиёт ва камбағалликни қисқартириш масалалари бўйича ўринбосари – иқтисодий тараққиёт ва камбағалликни қисқартириш вазири Ж.А. Кўчқоров ҳамда Ўзбекистон Республикаси молия вазири Т.А. Ишметов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2022 йил “7” июндаги 305-сон қарорига
1-илова

**Актуарий малака сертификатини бериш бўйича
давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Маъмурий регламент (кейинги ўринларда – Регламент) актуарий малака сертификатини бериш, қайта расмийлаштириш ва бекор қилиш бўйича давлат хизматларини кўрсатиш тартибини белгилайди.

2. Ушбу Регламентда қўйидаги тушунчалардан фойдаланилади:

актуарий – актуарий малака сертификатини олган ва актуар ташкилот штатида турган ёки актуар ташкилот билан фуқаролик-хукуқий шартнома тузган жисмоний шахс;

актуар ташкилот – актуар хизматлар кўрсатувчи ва ўз штатида камида битта актуарийга эга бўлган юридик шахс;

актуарий малака сертификати – жисмоний шахсга, агар ушбу шахс актуар ташкилот штатида ёки у билан актуар ташкилот ўртасида фуқаролик-хукуқий тусдаги шартнома тузилган бўлса, актуар хизматлар кўрсатиш хукуқини берувчи хужжат;

ваколатли орган – Ўзбекистон Республикаси Молия вазирлиги хузуридаги Суғурта бозорини ривожлантириш агентлиги;

даъвогар – актуарий малака сертификатини олишга талабгор бўлган жисмоний шахс.

3. Даъвогар малака имтиҳонини муваффақиятли топширган тақдирда, актуарий малака сертификати ваколатли орган томонидан беш йил муддатга берилади. Ушбу Регламент билан белгиланган малака талабларига жавоб берадиган даъвогар малака имтиҳонини топширишга қўйилади.

4. Актуарий малака сертификатини бериш ва қайта расмийлаштириш бўйича давлат хизматлари Давлат хизматлари маркази ва Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали кўрсатилади.

5. Актуарий малака сертификати ушбу Регламентга 1-иловадаги схемага мувофиқ берилади.

6. Ваколатли орган ваколатли шахснинг электрон рақамли имзоси (кейинги ўринларда – ЭРИ) билан тасдиқланган ҳамда ушбу Регламентга 2-иловага мувофиқ электрон шаклда расмийлаштириладиган актуарий малака сертификатини беради.

7. Актуарий малака сертификатини бериш учун даъвогар куйидаги талабларга жавоб бериши керак:

иқтисодиёт ёки математика олий таълим йўналишлари бўйича Ўзбекистон Республикаси олий таълим ташкилотларида олинган олий маълумотга ёки хорижий давлатларнинг олий таълим ташкилотларида олинган ҳамда қонунчилик ҳужжатларига мувофиқ Ўзбекистон Республикасида тан олинган олий маълумотга эга бўлиш ёхуд Ўзбекистон Республикасида ёки хорижий давлатларда (қонунчилик ҳужжатларига мувофиқ тан олишдан ўтган тақдирда) олинган математика ёки иқтисодиёт фанлари бўйича илмий даражага эга бўлиш;

сўнгги ўн йил ичida камида беш йил суғурта, математика, статистика, ахборотлаштириш соҳаларида иш стажига (жумладан, ўриндошлик асосида) ёки педагогик стажга эга бўлиш.

2-боб. Актуарий малака сертификатини бериш бўйича давлат хизматларини кўрсатиш тартиби

8. Даъвогар актуарий малака сертификатини бериш бўйича давлат хизматларидан фойдаланиш учун Давлат хизматлари марказига бевосита ўзи ёки ишончли вакили орқали мурожаат этади ёхуд ЯИДХПда давлат хизматларидан электрон шаклда фойдаланиш учун рўйхатдан ўтади.

9. Даъвогар Давлат хизматлари марказига бевосита ўзи ёки ишончли вакили орқали мурожаат этган тақдирда, Давлат хизматлари маркази ходими даъвогар номидан, ЯИДХП орқали мурожаат қилган ҳолларда эса – мустақил равища ушбу Регламентга З-иловага мувофиқ шаклдаги анкетани электрон шаклда тўлдиради.

Анкета Давлат хизматлари маркази ходими томонидан тўлдирилганда, даъвогар ундаги маълумотларнинг тўғрилигини текширгандан сўнг ўз ЭРИси билан тасдиқлайди.

Давлат хизматлари маркази ариза берувчи ўз ЭРИсини шу жойнинг ўзида олиши учун барча зарур шароитларни таъминлаши шарт.

Анкетани ЭРИ билан тасдиқлаш имконияти бўлмаган ҳолларда, тегишли маълумот идентификация қилишнинг бошқа воситалари (дактилоскопия, электрон имзо ва бошқалар) билан ҳам тасдиқланиши мумкин.

10. Куйидаги ҳужжатлар ваколатли орган томонидан тегишли давлат органлари ва ташкилотларидан мустақил равища, жумладан, “Электрон ҳукумат” тизими идоралараро интеграциялашув платформаси орқали сўраб олиниади:

паспорт (идентификацияловчи ID-карта) ёки шахсни тасдиқловчи бошқа маълумотлари;

даъвогарнинг белгиланган шаклдаги фотосурати;

иқтисодиёт ёки математика олий таълим йўналишлари бўйича олий маълумот тўғрисидаги диплом, илмий даражага олганлиги тўғрисидаги ҳужжат

нусхаси ёхуд олий маълумот ёки илмий даража ҳақидаги хорижий ҳужжатни тан олиш тўғрисида ваколатли давлат органининг гувоҳномаси нусхаси (олиш имкони мавжуд бўлмаган ҳолатлар бундан мустасно);

иш стажи тўғрисидаги маълумотлар (олиш имкони мавжуд бўлмаган ҳолатлар бундан мустасно);

жисмоний шахсларнинг фамилияси ва (ёки) исми ўзгартирилган бўлса, бу тўғрисидаги маълумотлар.

Давлат хизматлари маркази ва ваколатли орган ўртасида ахборот алмашинуви ЭРИни қўллаган ҳолда, фақат идоралараро электрон ҳамкорлик орқали амалга оширилади.

11. Даъвогар Давлат хизматлари марказига бевосита ўзи ёки ишончли вакили орқали мурожаат этганда, унинг анкетаси Давлат хизматлари маркази ходими томонидан тўлдирилиб, даъвогарнинг ЭРИси билан тасдиқлангандан сўнг реал вақт режимида, бироқ бир соатдан ошмаган вақт ичида, ЯИДХП орқали мурожаат қилганда эса – автоматик тарзда ваколатли органга электрон шаклда юборилади.

12. Даъвогарнинг актуарий малака сертификатини бериш тўғрисидаги мурожаатини кўриб чиқиши бўйича давлат хизмати кўрсатилганлиги учун базавий ҳисоблаш миқдорининг бир баравари миқдорида йифим ундирилади.

Даъвогар давлат хизмати кўрсатилиши учун ЯИДХП орқали мурожаат этган тақдирда, йифим суммасининг 90 фоизи миқдорида ундирилади.

Йифим суммаси куйидаги тартибда тақсимланади:

а) Давлат хизматлари маркази орқали мурожаат этилганда:

20 фоизи – Ўзбекистон Республикаси Адлия вазирлигининг Давлат хизматларини ривожлантириш жамғармаси шахсий ғазна ҳисобварафига;

қолган маблағлар – ваколатли органнинг бюджетдан ташқари жамғармасига;

б) ЯИДХП орқали мурожаат этилганда:

10 фоизи – Ўзбекистон Республикаси Адлия вазирлигининг Давлат хизматларини ривожлантириш жамғармаси шахсий ғазна ҳисобварафига;

11,25 фоизи – Ахборот-коммуникация технологияларини ривожлантириш жамғармасининг электрон ҳукумат ва рақамли иқтисодиётнинг идоралараро лойиҳаларини молиялаштириш бўйича махсус ҳисобварафига;

0,5 фоизи – Ахборот-коммуникация технологияларини ривожлантириш жамғармасига;

қолган маблағлар – ваколатли органнинг бюджетдан ташқари жамғармасига ўtkaziladi.

Давлат хизматлари кўрсатилганлиги учун йифим тўланганлиги ахборот-коммуникация тизимлари орқали тасдиқланади.

13. Даъвогар давлат хизматларидан фойдаланишда уларни кўрсатишнинг ҳар қандай босқичида бош тортиш ҳуқуқига эга. Даъвогар давлат хизматларидан фойдаланишдан бош тортганда, унинг антекаси кўриб чиқилмасдан қолдирилади ва тўланган йифим қайтарилмайди.

3-боб. Малака имтиҳонини топширишга рухсат бериш ёки рад этиш тўғрисида қарорлар қабул қилиш тартиби

14. Ваколатли орган мурожаат келиб тушган кундан бошлаб ўн кун муддатда даъвогарга малака имтиҳонини топширишга рухсат бериш ёки рад этиш тўғрисида қарор қабул қилади.

15. Ваколатли орган даъвогарни рухсат бериш ёки рад этиш тўғрисида қабул қилинган қарор ҳақида уч кун ичида электрон шаклда хабардор қилади. Рад этилган ҳолатда, унинг асослари кўрсатилади.

Ваколатли орган даъвогар томонидан ушбу Регламентга асосан анкетага илова қилиниши лозим бўлган ҳужжатларнинг тўлиқ эмаслиги, тегишли равишда расмийлаштирилмаган ва тақдим этилган ҳужжатларда нотўғри ёки бузиб кўрсатилган маълумотларнинг мавжудлиги ҳамда давлат хизматларини кўрсатиш учун белгиланган йигим тўланмаганлиги, шунингдек, даъвогарнинг ушбу Регламентнинг 7-бандида назарда тутилган талабларга мувофиқ келмаслиги даъвогарга давлат хизматлари кўрсатилишини ҳамда малака имтиҳонини топширишга рухсат беришни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш тақиқланади.

16. Мурожаати рад этилган даъвогар рад этиш учун сабаб бўлган камчиликларни бартараф этганидан сўнг ушбу Регламентда белгиланган тартибда ваколатли органга беш иш кунида қайта мурожаат қилишга ҳақли.

Даъвогар белгиланган муддатда қайта мурожаат қилганда, ваколатли орган ундан йигим ундирилади.

Даъвогар беш иш куни ўтгандан кейин мурожаат қилган тақдирда, мурожаат янгидан берилган деб ҳисобланади ва даъвогардан мазкур Регламентнинг 12-бандида кўрсатилган микдорда йигим ундирилади.

17. Даъвогарнинг аризасини қайта кўриб чиқишида илгари малака имтиҳони топширишга рухсат беришни рад этиш тўғрисидаги хабарномада кўрсатилмаган янги асослар бўйича малака имтиҳонини топширишни рад этишга йўл қўйилмайди.

Малака имтиҳонини топширишга рухсат бериш тўғрисида қарор қабул қилинганда, ваколатли орган малака имтиҳонини топширишга рухсат берилган даъвогарлар рўйхатини имтиҳон комиссиясига топширади.

18. Малака имтиҳонини топширишга рухсат берилган даъвогарлар малака имтиҳонини ўтказиш санаси, вақти ва жойи тўғрисида имтиҳон ўтказилишидан камида ўн кун олдин тегишли Давлат хизматлари марказига (ўзи мурожаат этганда) ёки даъвогарга ЯИДХП орқали (электрон тарзда мурожаат этганда) электрон шаклда хабарнома юборилади.

19. Давлат хизматлари маркази ваколатли органдан электрон шаклда хабарнома келиб тушган кунда уни даъвогарга анкетада кўрсатилган электрон манзил бўйича юборади. Давлат хизматлари маркази даъвогарнинг сўровига кўра хабарномани қофоз шаклида бериши лозим.

4-боб. Имтиҳон комиссияси

20. Малака имтиҳонини ташкил этиш ва ўтказиш учун ваколатли орган томонидан имтиҳон комиссияси ташкил қилинади. Имтиҳон комиссияси раис, раис ўринбосари, котиб ва камидар учун алоҳида тузилади.

Имтиҳон комиссияси таркибига ваколатли орган ходимлари, актуар ҳисоб-китоблар ва суғурта соҳаларидаги мутахассислар киритилади. Имтиҳон комиссиясининг таркиби ҳар бир малака имтиҳони учун алоҳида тузилади.

21. Малака имтиҳони комиссиясининг таркиби ва иш регламенти ваколатли орган томонидан тасдиқланади.

Имтиҳон комиссияси аъзоларининг учдан икки қисми ҳамда раиси ёки унинг ўринбосари иштирок этганда, имтиҳон комиссияси ваколатли ҳисобланади.

22. Имтиҳон комиссиясининг иши баённома билан расмийлаштирилади. Баённома имтиҳон комиссиясининг раиси томонидан тасдиқланади ва иштирок этган барча аъзолар томонидан имзоланади.

5-боб. Малака имтиҳонини ўтказиш тартиби

23. Малака имтиҳони камидар уч кишидан иборат гуруҳнинг шаклланишига кўра, лекин уч ойда камидар бир марта ўтказилади. Малака имтиҳонини ўтказиш санаси ваколатли орган томонидан белгиланади.

24. Малака имтиҳони икки босқичда ўтказилади:

тест синови (уч академик соат давомида компьютер орқали). Тест синови якунлангач, унинг натижаси шу вақтнинг ўзидан маълум қилинади. Унинг натижасига кўра даъвогарга ёзма ва оғзаки имтиҳонни топшириш учун рухсат берилади;

имтиҳон билетлари бўйича ёзма ва оғзаки имтиҳон (масалаларни ечиш ва оғзаки жавобга тайёрланиш учун уч академик соат берилади).

Малака имтиҳонининг иккала босқичини бир кун давомида ўтказишга рухсат берилмайди.

25. Тест саволлари ва имтиҳон билетлари ваколатли орган томонидан ишлаб чиқилади ва тасдиқланади.

Тест саволлари ва имтиҳон билетларига киритилган фанлар бўйича мавзулар ваколатли органнинг расмий веб-сайтига жойлаштирилади.

Имтиҳон комиссияси раисининг имзоси қўйилмаган имтиҳон билетлари ҳақиқий эмас деб ҳисобланади.

Тестлар ва имтиҳон билетлари мазмуни қонунчилик хужжатларига киритиладиган ўзgartiriши ва қўшимчаларни ҳисобга олган ҳолда даврий равишда қайта кўриб чиқилади.

26. Даъвогарга унинг шахсини тасдиқловчи хужжатлар (паспорт, идентификацияловчи ID-карта ёки шахсни тасдиқловчи бошқа хужжат) тақдим этилган тақдирда, малака имтиҳонини топшириш учун рухсат берилади. Ушбу хужжатлари бўлмаган ёки малака имтиҳонига кечиккан

даъвогар имтиҳонга келмаган деб ҳисобланади ва навбатдаги малака имтиҳонини топширишга рухсат берилган шахслар рўйхатига киритилади.

27. Малака имтиҳонини ўтказишга ажратилган вақт ичидан даъвогар компьютер воситасида ўтказиладиган тест синовларини якунлаши, имтиҳон билетлари бўйича жавобларни имтиҳон комиссиясига топшириши шарт. Ушбу талабларни бузган даъвогар малака имтиҳонини топширмаган деб ҳисобланади.

28. Тест саволлари қўйидаги таълим йўналишлари бўйича 40 та назарий саволлардан иборат:

актуар математика (10 та савол);

статистика ва эҳтимоллар назарияси (10 та савол);

сугурта иши ва таваккалчилик назарияси (10 та савол);

инвестиция фаолияти ва молияни бошқариш (10 та савол).

Ҳар битта тўғри жавоб учун бир балл берилади.

Тест синовлари натижаларини ижобий деб эътироф этиш учун асос бўладиган тўпланган баллар йигиндиси 30 баллдан кам бўлмаслиги керак.

Тест синовлари натижалари салбий деб эътироф этилганда (30 баллдан кам тўпланган балл), даъвогар имтиҳон топширишга қўйилмайди.

29. Имтиҳон билети қўйидаги таълим йўналишлари бўйича 4 та назарий савол ва 4 та амалий масалалардан иборат:

актуар математика;

статистика ва эҳтимоллар назарияси;

сугурта иши ва таваккалчилик назарияси;

инвестиция фаолияти ва молияни бошқариш.

Имтиҳон билетининг ҳар бир назарий саволи ва амалий масаласи 5 баллик тизим бўйича баҳоланади.

Имтиҳон билети бўйича камида 30 балл тўплаган даъвогар малака имтиҳонини муваффақиятли топширган ҳисобланади.

30. Малака имтиҳони ўтказилаётган вақтда қонунчилик ҳужжатлари ва йўриқнома материаллари, маълумотномалар ва маҳсус адабиётлардан фойдаланиш, бошқа даъвогарлар билан гаплашиш, шунингдек, алоқа воситаларидан фойдаланиш ман қилинади. Ушбу талабларни бузган даъвогар малака имтиҳонини ўтказиш тартиби бузилганлиги бўйича далолатнома расмийлаштирилиб, аудиториядан чиқариб юборилади ва малака имтиҳонини топширмаган деб ҳисобланади.

Малака имтиҳонида бегона шахсларнинг иштирок этишига рухсат берилмайди.

31. Малака имтиҳонининг шаффоғлиги ва холислигини таъминлаш мақсадида малака имтиҳонини ўтказиш жараёни узлуксиз равища видеөёзувга (овозли) туширилади ва ушбу видеоматериаллар ваколатли органда камида бир йил сакланади.

Малака имтиҳони натижалари имтиҳон комиссиясининг баённомаси билан расмийлаштирилади ва малака имтиҳони ўтказилган санадан сўнг уч кун ичида ваколатли органга топширилади.

Имтиҳон комиссияси баённомасида қуидагилар кўрсатилади:

имтиҳон комиссияси таркиби;

малака имтиҳонининг биринчи босқичида иштирок этган даъвогарларнинг улар тўплаган баллар кўрсатилган рўйхати;

малака имтиҳонининг биринчи босқичига келмаган даъвогарлар рўйхати;

малака имтиҳонининг иккинчи босқичида иштирок этиш учун рухсат берилган даъвогарлар рўйхати;

малака имтиҳонининг иккинчи босқичида иштирок этган даъвогарларнинг улар тўплаган баллар кўрсатилган рўйхати;

малака имтиҳонининг иккинчи босқичига келмаган даъвогарлар рўйхати;

малака имтиҳонини муваффақиятли топширган даъвогарлар рўйхати;

малака имтиҳонини топшира олмаган даъвогарлар рўйхати.

32. Малака имтиҳонини топшириш бўйича хужжатлар (тест натижалари, билетлар ва уларга жавоблар), шунингдек, имтиҳон комиссиясининг баённомалари ваколатли органда беш йил мобайнида сақланади.

33. Малака имтиҳонини топшира олмаган даъвогар актуарий малака сертификатини олиш учун йифимни тўлаш шарти билан мазкур Регламентга мувофиқ қайта мурожаат этишга ҳақлидир.

Малака имтиҳонини топшира олмаган даъвогарларга йифим қайтарилмайди.

6-боб. Актуарий малака сертификатини бериш тартиби

34. Ваколатли орган имтиҳон комиссиясининг баённомалари қабул қилиб олгандан сўнг уч иш куни мобайнида белгиланган тартибда QR-код қўйилган актуарий малака сертификатини расмийлаштиради ва уни ўз ЭРИси билан тасдиқлаб, тегишли Давлат хизматлари марказига (ўзи мурожаат этганда) ёки даъвогарга ЯИДХП орқали (электрон тарзда мурожаат этганда) электрон шаклда юборади.

35. Давлат хизматлари маркази ваколатли органдан актуарий малака сертификати электрон шаклда келиб тушгандан сўнг ўн дақиқа мобайнида уни даъвогарнинг электрон манзилига юборади ва даъвогарни бу ҳақда ахборот-коммуникация тизими орқали хабардор қиласи. Давлат хизматлари марказига даъвогар ўзи келиб мурожаат қилган тақдирда, даъвогарнинг сўровига кўра унга актуарий малака сертификатини электрон ёки қоғоз шаклда беради.

Агар актуарий малака сертификати ваколатли орган томонидан даъвогарга ЯИДХП орқали электрон шаклда юборилса, у автоматик равишда даъвогарнинг электрон кабинетида намоён бўлади.

Актуарий малака сертификати ҳисобга олиш серияси ва рақамига эга бўлади.

36. Актуарий малака сертификатининг эгаси актуарий малака сертификатининг амал қилиш муддати тугашидан уч ой олдин, бироқ ушбу сертификатининг амал қилиш муддати тугашидан олти ойдан кўп бўлмаган муддатда ваколатли органга актуарий малака сертификатини янги муддатга олиш учун мазкур Регламентга мувофиқ Давлат хизматлари маркази ёки ЯИДХП орқали мурожаат қиласди.

Бунда мазкур Регламентнинг 12-бандида кўрсатилган йифим миқдорининг 50 фоизи ундирилади.

7-боб. Апелляцияларни кўриб чиқиши

37. Малака имтиҳони натижаларига қўра салбий қарор чиқарилган даъвогар малака имтиҳони натижалари эълон қилинган санадан бошлаб ўттиз календарь куни мобайнида ваколатли органга апелляция бериш хукуқига эга. Апелляция ёзма шаклда тақдим этилади. Апелляцияни кўриб чиқиши муддати ўн беш кундан ошмаслиги лозим.

38. Апелляцияни кўриб чиқиши учун ваколатли орган томонидан Апелляция комиссияси ташкил қилинади. Апелляция комиссияси таркиби ваколатли органнинг буйруғи билан тасдиқланади. Апелляция комиссияси таркибига имтиҳон комиссияси таркибига кирган шахслар киритилмайди.

Апелляция комиссияси беш кун муддат ичидаги берилган апелляцияни даъвогар иштирокида кўриб чиқади. Апелляция комиссиясининг иши баённома билан расмийлаштирилади. Баённома апелляция комиссиясининг барча аъзолари ва даъвогар томонидан имзоланади.

Апелляция комиссияси апелляцияни кўриб чиқиши натижалари бўйича қуидаги қарорлардан бирини қабул қиласди:

имтиҳон комиссиясининг қарорини ўзгаришсиз қолдириш ва апелляцияни қаноатлантиришни рад этиш;

имтиҳон комиссиясининг қарорини бекор қилиш ва актуарий малака сертификатини бериш тўғрисида.

39. Имтиҳон комиссиясининг қарорини ўзгаришсиз қолдириш ва апелляцияни қаноатлантиришни рад этиш тўғрисидаги қарор қуидаги ҳолларда қабул қилинади:

апелляция ушбу Регламент талаблари бузилган ҳолда берилган бўлса;
апелляцияда келтирилган сабаблар ўз тасдифини топмаса.

40. Имтиҳон комиссиясининг қарорини бекор қилиш ва актуарий малака сертификатини бериш тўғрисидаги қарор малака имтиҳони ушбу Регламент талаблари бузилган ҳолда ўтказилган тақдирда қабул қилинади.

41. Актуарий малака сертификатини бериш тўғрисидаги қарор қабул қилингандан сўнг ваколатли орган даъвогарга актуарий малака сертификатини беради.

42. Қайта апелляцияга йўл қўйилмайди.

8-боб. Актуарий малака сертификатини қайта расмийлаштириш тартиби

43. Илгари берилган актуарий малака сертификатида кўрсатилган маълумотлар ўзгарган тақдирда, даъвогар актуарий малака сертификатини қайта расмийлаштириш учун ўн иш кунида Давлат хизматлари марказига бевосита ўзи ёки ишончли вакили орқали мурожаат этади ёхуд ЯИДХПда электрон шаклдаги тегишли мурожаатни юборади.

Анкетага киритилган маълумотларнинг ҳаққонийлиги ахборот тизимлари ёрдамида автоматик равишда текширилади.

44. Анкетада хато маълумотлар кўрсатилган тақдирда, мурожаат автоматик равишда рад этилади ва бу ҳақда даъвогарга онлайн тарзда электрон шаклда жавоб қайтарилади.

45. Ваколатли орган даъвогарнинг мурожаати келиб тушган кундан бошлаб беш кундан кўп бўлмаган муддатда актуарий малака сертификатини қайта расмийлаштиради ва ушбу Регламентнинг 34-бандида белгиланган тартибда даъвогарга юборади.

46. Ваколатли орган актуарий малака сертификатини қайта расмийлаштиришда реестрга тегишли ўзгартиришлар киритади.

47. Актуарий малака сертификатини қайта расмийлаштириш учун даъвогар қайта имтиҳондан ўтказилмайди ва йиғим ундирилмайди.

48. Актуарий малака сертификатининг эгаси ушбу сертификат қайта расмийлаштирилгунга қадар унда кўрсатилган фаолиятни илгари берилган актуарий малака сертификати асосида амалга оширади.

9-боб. Актуарий малака сертификатини бекор қилиш тартиби

49. Актуарий малака сертификати куйидаги ҳолларда бекор қилинади:
актуарий малака сертификатини олган шахс томонидан актуар хизматлар кўрсатиш талаблари ва шартлари бир маротаба қўпол равишда бузилганда;

актуарий малака сертификати қалбаки ҳужжатлардан фойдаланган ҳолда олинганилиги аниқланганда.

50. Актуарий малака сертификатининг бекор қилинишига асос бўладиган қўпол қоидабузарликларга қуйидагилар киради:

актуар хизматларни кўрсатиш давомида актуарий томонидан олинган маълумотларни учинчи шахсларга актуар хизматлар буюртмачисининг рухсатисиз тақдим этиш ҳолатининг аниқланиши, қонунчилик ҳужжатларида назарда тутилган ҳоллар бундан мустасно;

актуарий малака сертификатини бошқа шахсга ўз номидан актуар хизматларни кўрсатиш учун ушбу ҳужжатдан фойдаланиш мақсадида бериш ҳолатининг аниқланиши.

51. Актуарий малака сертификати суд томонидан бекор қилинади. Ваколатли орган актуарий малака сертификатини бекор қилиш тўғрисида судга ариза билан мурожаат қилинган кундан эътиборан бир иш кунидан кечиктирмай актуарий малака сертификатини олган шахсни ёзма шаклда, актуарий малака сертификатини бекор қилиш ҳақида ариза билан судга мурожаат қилиш асосларини, қонунчилик ҳужжатларининг аниқ нормаларини кўрсатган ҳолда бу ҳақда хабардор қиласди.

52. Актуарий малака сертификати бекор қилинган шахс ушбу сертификатнинг амал қилиши даврида қўпол қоидабузарликлар учун уни бекор қилиш ҳақидаги суд қарори қонуний кучга кирган пайтдан бошлаб уч йил мобайнида актуарий малака сертификатини қайта олиш учун малака имтиҳонини топширишга қўйилмайди.

10-боб. Актуарий малака сертификатига эга бўлган актуарийлар реестрини юритиши

53. Ваколатли орган малака сертификатига эга бўлган актуарийлар реестрини юритади ва унда қуйидагилар кўрсатилади:

актуарий малака сертификатини олган шахснинг фамилияси, исми, отасининг исми ва берилган санаси;

паспорт (идентификацияловчи ID-карта) маълумотлари ва манзили;

актуарий малака сертификатининг серияси, рақами ва берилган санаси;

актуарий малака сертификатини қайта расмийлаштириш ва бекор қилиш тўғрисидаги маълумотлар.

54. Ваколатли органнинг расмий веб-сайтида актуарийлар реестри билан танишиш учун очик бўлган маълумотлар жойлаштирилади ва унда қуйидагилар кўрсатилади:

актуарий малака сертификатини олган шахснинг фамилияси, исми, отасининг исми;

актуарий малака сертификатининг серияси, рақами ва берилган санаси;

актуарий малака сертификатининг амал қилиш муддати;

актуарий малака сертификати бекор қилинганлиги тўғрисидаги маълумотлар.

11-боб. Якунловчи қоидалар

55. Давлат хизматлари маркази ва ваколатли орган ўз фаолиятини амалга ошириши натижасида олинган маълумотларнинг сир сақланишини таъминлайди.

56. Ўзбекистон Республикаси Адлия вазирлиги ва Давлат хизматлари маркази ушбу Регламентнинг талаблари ижроси бўйича давлат органлари

ва бошқа ташкилотларнинг фаолиятини доимий назорат қиласи
ва мониторинг олиб боради.

57. Даъвогар давлат органлари ва бошқа ташкилотлар ходимларининг
хатти-ҳаракатлари юзасидан қонунчиликка мувофиқ шикоят қилиши
мумкин.

58. Ушбу Регламент талабларининг бузилишида айбдор бўлган
шахслар қонунчилик ҳужжатларида белгиланган тартибда жавоб берадилар.

Актуарий малака сертификатини
бериш бўйича давлат хизматларини
кўрсатишнинг маъмурий регламентига
1-илова

**Актуарий малака сертификатини бериш бўйича давлат хизматларини қўрсатиш
СХЕМАСИ**

Босқичлар	Субъектлар	Тадбирлар	Бажариш муддатлари
1-bosqich	Даъвогар	<p>Актуарий малака сертификатини олиш учун Давлат хизматлари марказига ўзи келган холда ёки электрон тарзда ЯИДХП орқали мурожаат қиласди.</p>	Ўз хоҳишига кўра
2-bosqich	Давлат хизматлари марказлари ёки ЯИДХП	<p>Даъвогар Давлат хизматлари марказига мурожаат этганда, унинг анкетаси Давлат хизматлари маркази ходими томонидан тўлдирилиб, даъвогарнинг ЭРИси билан тасдиқлангандан сўнг ёки ЯИДХП орқали мурожаат қиласдан – анкета даъвогар томонидан мустақил равишда тўлдирилиб, сўнг ваколатли органга электрон шаклда юборилади.</p>	Давлат хизматлари маркази орқали мурожаат қилинганда реал вақт режимида, бироқ бир соатдан ошмаган вақтда, ЯИДХП орқали эса автоматик тарзда
3-bosqich	Суғурта бозорини ривожлантириш агентлиги	<p>1. Ваколатли орган мурожаат келиб тушгандан кейин даъвогарга малака имтиҳонини топширишга рухсат бериш ёки рад этиш тўғрисида қарор қабул қиласди.</p> <p>2. Рухсат бериш ёки рад этиш тўғрисидаги қарор ҳақда ваколатли орган даъвогарни электрон шаклда хабардор қиласди.</p> <p>3. Малака имтиҳонини топширишга рухсат берилган даъвогарлар малака имтиҳонини ўтказиш санаси, вақти ва жойи тўғрисида тегишли Давлат хизматлари марказига (ўзи мурожаат этганда) ёки даъвогарга ЯИДХП орқали (электрон тарзда мурожаат этганда) электрон шаклда хабарнома юборади.</p> <p>4. Давлат хизматлари маркази ваколатли органдан келиб тушган электрон шаклдаги хабарномани даъвогарга анкетада кўрсатилган электрон манзил бўйича юборади ва даъвогарни бу ҳақда ахборот-коммуникация тизими орқали хабардор қиласди.</p>	<p>Мурожаат электрон кўринишида келиб тушган кундан бошлаб ўн иш кунида</p> <p>Қарор қабул қилинган санадан кейин уч иш кунида</p> <p>Малака имтиҳони ўтказилишидан камида ўн кун олдин</p> <p>Давлат хизматлари маркази томонидан электрон шаклда хабарнома келиб тушган кунда</p>

4-босқич	Даъвогар Суғурта бозорини ривожлантириш агентлиги	<ol style="list-style-type: none">1. Малака имтиҳонида қатнашишга рухсат берилган даъвогар белгиланган сана ва вақтда шахсини тасдиқловчи хужжат билан (паспорт, идентификацияловчи ID-карта ёки шахсини тасдиқловчи бошқа хужжат) билан имтиҳон ўтказиладиган жойга етиб келади.2. Малака имтиҳонига кечиккан ёки шахсини тасдиқловчи хужжати бўлмаган даъвогарлар имтиҳонга келмаган деб ҳисобланади ва навбатдаги малака имтиҳонини топширишга рухсат берилган шахслар рўйхатига киритади.	Имтиҳон ўтказиш санаси уч кишидан иборат гурухнинг шаклланишига кўра, лекин камида уч ойда бир марта белгиланади Малака имтиҳони ўтказилган кундан сўнг бир иш куни мобайнида
5-босқич	Имтиҳон комиссияси	<ol style="list-style-type: none">1. Малака имтиҳонининг тест синови босқичи. Тест синоси 40 та назарий саволдан иборат.2. Малака имтиҳонининг ёзма ва оғзаки босқичи. Имтиҳон 4 та назарий савол ва 4 та амалий масалалардан иборат.	Тест ўтказиладиган кунда уч академик соат давомида Имтиҳон ўтказиладиган кунда уч академик соат давомида
6-босқич	Суғурта бозорини ривожлантириш агентлиги Давлат хизматлари маркази ёки ЯИДХП	<ol style="list-style-type: none">1. QR-код қўйилган актуарий малака сертификатини расмийлаштиради ва уни ЭРИси билан тасдиқлаб, тегишли Давлат хизматлари марказига (ўзи мурожаат этганда) ёки даъвогарга ЯИДХП орқали (электрон тарзда мурожаат этганда) электрон шаклда юборади.2. Актуарий малака сертификатини электрон шаклда даъвогарнинг электрон манзилига юборади ва даъвогарни бу ҳакда ахборот-коммуникация тизими орқали хабардор қиласи.3. Давлат хизматлари марказига даъвогар ўзи келиб мурожаат қилган тақдирда, даъвогарнинг сўровига кўра унга актуарий малака сертификатини электрон ёки қофоз шаклда беради.	Имтиҳон комиссиясининг баённомалари қабул килиб олингандан сўнг кейинги уч иш куни мобайнида Актуарий малака сертификати электрон шаклда келиб тушгандан сўнг ўн дақиқа мобайнида Даъвогар талаб қилган пайтда

Актуарий малака сертификатини
бериш бўйича давлат хизматларини
кўрсатишнинг маъмурий регламентига
2-илова



Ягона интерактив давлат
хизматлари портали



Ўзбекистон Республикаси
Молия вазирлиги
хузуридаги
Суғурта бозорини
ривожлантириш агентлиги

Хужжат раками:

Хужжат яратилган сана:

Актуарий МАЛАКА СЕРТИФИКАТИ

ЖШШИР:

Ф.И.О.:

Паспорт (идентификацияловчи
ID-картаси) серия раками:

Қаҷон берилган:

Сертификатнинг амал қилиш
муддати:

Фотосурат
(электрон
ҳамкорлик асосида
маълумотлар
базасидан
олинади)

0000

(Ваколатли орган мансабдор шахсининг Ф.И.О.)

Мазкур хужжат Вазирлар Мажкамасининг 2017 йил 15 сентябрдаги 728-сон қарори билан
тасдиқланган ўзбекистон Республикаси Ягона интерактив давлат хизматлари портали
тўғрисидаги низомга мувофиқ шакллантирилган электрон хужжатнинг нусхаси хисобланади.
Электрон хужжатнинг нусхасида кўрсатилган маълумотлар тўғрилигини текшириш учун
tero.gov.uz веб-сайтига ўтинг ва электрон хужжатнинг ноёб ракамини киритинг ёки мобил
телефон ёрдамида QR-кодни сканер қилинг.

Диккат! Вазирлар Мажкамасининг 2017 йил 15 сентябрдаги 728-сон қарорига мувофиқ
электрон хужжатлардаги маълумотлар конуний хисобланади. Давлат органларига Ягона
интерактив давлат хизматлари порталида шакллантирилган электрон хужжатларнинг
нусхаларини кабул қилишини рад этиши қатъяян такикланган.

QR-код

Актуарий малака сертификатини
бериш бўйича давлат хизматларини
кўрсатишнинг маъмурий регламентига
3-илова

АНКЕТА
Даъвогар тўғрисидаги маълумотлар
Анкетани тўлдириш қоидалари

*фотосурат
(электрон
ҳамкорлик асосида
маълумотлар
базасидан олинади)*

Анкета электрон шаклда тўлдирилади. Барча саналар араб сонларида келтирилиши лозим. Анкетанинг барча саволларига тўлиқ жавоб берилиши лозим. Анкетанинг бирорта ҳам қаторлари тўлдирилмасдан қолмаслиги керак. Битта тўлдирилмаган қаторнинг мавжудлиги бутун анкетанинг тўлдирилмаганлигини англатади.

T/p	Даъвогар тўғрисидаги маълумотлар	
1.	Фамилияси (ўзгартилган бўлса, ёзилиши керак)	
2.	Исми (ўзгартилган бўлса, ёзилиши керак)	
3.	Отасининг исми (ўзгартилган бўлса, ёзилиши керак)	
4.	Туғилган йили ва санаси	автоматик тўлдирилади
5.	Доимий яшаш жойи бўйича рўйхатга олинган манзил	автоматик тўлдирилади
6.	Паспорт ёки идентификацияловчи ID-картаси серияси ва рақами	автоматик тўлдирилади
7.	Электрон почта манзили (мавжуд бўлса)	
8.	Телефон рақами	

Даъвогарнинг электрон ракамли имзоси

Вазирлар Маҳкамасининг
2022 йил “7” июнданги 305-сон қарорига
2-илова

**Ўзбекистон Республикаси Ҳукуматининг ўз кучини йўқотган
деб эътироф этилаётган қарорлари
РЎЙХАТИ**

1. Вазирлар Маҳкамасининг “Актуарий малака сертификатини бериш тартиби тўғрисидаги низомни тасдиқлаш ҳақида” 2020 йил 17 декабрдаги 797-сон қарори.

2. Вазирлар Маҳкамасининг “Давлат хизматлари қўрсатишининг инфратузилмаси такомиллаштирилганлиги ва аҳолининг давлат хизматларидан фойдаланиш имкониятлари кенгайтирилганлиги муносабати билан Ўзбекистон Республикаси Ҳукуматининг айrim қарорларига ўзгартириш ва қўшимчалар киритиш тўғрисида” 2021 йил 28 октябрдаги 661-сон қарорига илованинг 25-банди.

